

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), tačke IV. Odluke o utvrđivanju kriterija i raspodjele sredstava utvrđenih Budžetom Federacije Bosne i Hercegovine za 2025. godinu Federalnom ministarstvu finansija – Federalnom ministarstvu finansija sa ekonomskog koda „Tekući transferi drugim nivoima vlasti i fondovima – kantoni“ („Službene novine Federacije BiH“, broj: 98/25) i člana 2. Ugovora o dodjeli potpore iz Proračuna Federacije BiH, broj: 09-11-6-2-11140-U-K4/25 od 25.12.2025. godine, na prijedlog Ministarstva finansija, Vlada Zeničko-dobojskog kantona, na 134. sjednici, održanoj 26.06.2026. godine, d o n o s i

O D L U K U

o utvrđivanju namjene utroška sredstava uplaćenih iz Budžeta Federacije Bosne i Hercegovine za 2025. godinu sa ekonomskog koda „Tekući transferi drugim nivoima vlasti i fondovima – kantoni“

Član 1.

(Predmet)

Ovom odlukom utvrđuje se namjena utroška sredstava uplaćenih dana 04.02.2026. godine u iznosu od 31.878.226,40 KM iz Budžeta Federacije Bosne i Hercegovine za 2025. godinu, sa ekonomskog koda „Tekući transferi drugim nivoima vlasti i fondovima – kantoni“, po Ugovoru o dodjeli potpore iz Proračuna Federacije BiH, broj: 09-11-6-2-11140-U-K4/25 od 25.12.2025. godine, zaključenim između Federalnog ministarstva finansija i Zeničko-dobojskog kantona.

Član 2.

(Namjena utroška sredstava)

(1) Utrošak sredstava iz člana 1. ove odluke se smatra namjenskim utroškom sredstava odnosi se na sljedeće izdatke: finansiranje/sufinansiranje strukturalnih reformi i infrastrukturnih projekata i najmanje 20% za provođenje demografske politike i mjera u kantonu.

(2) Provođenje demografske politike i mjera u kantonu, po Ugovoru o dodjeli potpore iz Proračuna Federacije BiH, broj: 09-11-6-2-11140-U-K4/25 od 25.12.2025. godine, zaključenim između Federalnog ministarstva finansija i Zeničko-dobojskog kantona, iznosi **7.790.366,40** (slovima: sedammilionasedamstodevedesethiljadaitristotinešezdesetšest i 40/100 konvertibilnih maraka).

(3) Finansiranje/sufinansiranje strukturalnih reformi, po Ugovoru o dodjeli potpore iz Proračuna Federacije BiH, broj: 09-11-6-2-11140-U-K4/25 od 25.12.2025. godine, zaključenim između Federalnog ministarstva finansija i Zeničko-dobojskog kantona, iznosi **15.939.113,20 KM** (slovima: petnaestmiliona devetstotinatridesetdevethiljadaistotinatrinaest i 20/100 konvertibilnih maraka).

(4) Finansiranje/sufinansiranje infrastrukturnih projekata, po Ugovoru o dodjeli potpore iz Proračuna Federacije BiH, broj: 09-11-6-2-11140-U-K4/25 od 25.12.2025. godine, zaključenim između Federalnog ministarstva finansija i Zeničko-dobojskog kantona, iznosi **8.148.746,80 KM** (slovima: osammilionastočetdesetosamhiljadasedamstotinačetdesetšest i 80/100 konvertibilnih maraka) i odnosi se na sredstava odobrena Odlukom Vlade Zeničko-dobojskog kantona o odobravanju sredstava Zavodu zdravstvenog osiguranja Zeničko-dobojskog kantona za uspostavu integrisanog zdravstvenog informacionog sistema na nivou Zeničko-dobojskog kantona, broj: 02-11-912/26 od 14.01.2026. godine, za realizaciju kapitalnih projekata drugim nivoima vlasti iz nadležnosti Ministarstva zdravstva prema

Zavodu zdravstvenog osiguranja za uspostavu integrisanog zdravstvenog sistema na nivou Zeničko-dobojskog kantona.

Član 3.
(Provođenje Odluke)

Za provođenje ove odluke zadužuju se Ured premijera i Ministarstvo finansija, svako u okviru svoje nadležnosti.

Član 4.
(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-12707/26
Datum, 26.06.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo finansija,
1x Ured premijera,
1x Federalno ministarstvo finansija,
 putem Ministarstva finansija Zeničko-dobojskog kantona,
1x „Službene novine Zeničko-dobojskog kantona“,
1x a/a.